



WORKING CONNECTIONS CHILD CARE (WCCC)
MAROÑ IM EDDO KO ILO WCC

ETAN KEEJ EO

CLIENT IDENTIFICATION NÖMBA EO

Ej aō eddo ñan:

- Letok melele ko bwe komin maroñ bebe kōn am maroñ bōk jibañ ko im ñan kaweappān kōllā ko kōn kakaajiriri.
- Kelöt juon ri-kakaajiriri me ejejit im ekkar ñan men in aikuij ko ilo WAC 170-290-0125 im kōmmani karōk in kakaajiriri ko am make.
- Kōllā, ak kōmman karōk bwe bar juon armej en kōllā, copayment eo am ilo WCCC aolep allōñ im en kajju ñan ri-kakaajiriri eo am. **Elaññe kwōjab kōmmane men in emaroñ kōmman bwe en bwijrak jibañ kōn kakaajiriri ko am.**
- Jerbal in burukuk ippān jerbal in etale eo an quality assurance bwe kwōn maroñ bed wōt im bōk jibañ ko ilo WCCC. Koban maroñ bōk jibañ ko jen ilo ien eo quality assurance ej lo bwe kwoj jab burukuk ippāerr im kwōjamin bar maroñ bōk jibañ ko mae iien eo kwōj loori men in aikuij ko aikuij loori an quality assurance ñe ejab 30 raan elikin air kar lo bwe kwoj jab burukuk ippāer.
- Jerbal in burukuk ippān rietale eo jen fraud early detection (FRED). Elaññe kwōjab jerbal in burukuk ippān (lejok melele ko ej kajjitōki), rietale in, emaroñ jelet jibañ ko am.
- Kōjjelāiki rijerbal in kaweappān eo an WCCC, iloan 5 ran, kōn jabdewōt oktak ko kōn ri-kakaajiriri ro.
- Kōjjelāiki ri-kakaajiriri eo am iloan 10 raan ñe kimij kōmman oktak ilo melim in kein kakaajiriri eo am.
- **Kwajok ñan rijerbal in kaweappān eo am, iloan 24 awa, kōn jabdrewōt melele ko kwoj roñ kaki kin case ko imaan court kin rubrub kien ak ñe emōj an court lo ruōn juōn kin rubrub kien kin:**
 - 1) Ri-kakaajiriri eo am me ej jerbal ilo mweo imōm/nukūm.
 - 2) Aolep armej ro me ewōr joñoul-jijino aer iiō ak rüttojok im rej jokwe ippān ri-kakaajiriri eo, elaññe kakaajiriri eo ej kōmman nabōjin mweo imōn ajiri eo.

- Kwajok oktak ko ñan rijerbal in kaweappān eo an WCCC iloan 10 raan ikijien:
 - Jete awa in kakaajiriri ko kwōj aikuji (lapjok ak dikjok awa ko);
 - Joñan jāān ko baamle eo ej loi ekoba jabdrewōt jibañ jen TANF ak an laplok ak diklok child support;
 - Jete oran armej ilo mweo imōm einwōt jabdrewōt uaan baamle eo, ekoba jinen ak jemen ak eo pāleem, im ej emmaküt tok ak driwōj lōk jen mweo;
 - Jikin jerbal, jikuul ak makūtküt eo an WorkFirst (ej jino, jemjok, ak oktak);
 - Address ak nōmba in telephone eo an ri-kakaajiriri eo am me ej jokwe ilo mweo imōm/ nukūm;
 - Address ak nōmba in telephone eo an mweo imōm; ak
 - Eddo eo am iumin kakien bwe kwon kōllā child support.
- **Elaññe kwōjab kwajok oktak ko ilo iien eo emōkajtata emaroñ kōmman bwe en tar jen joñan kōllā eo, ak kwōmaroñ aikuj kōllā joñan eo elapjok jen joñan eo konam ñan wonen kakaajiriri.**
- Karooltok aolep melele ko kōmij kajjitōki ikijien ri-kakaajiriri eo am ilo iien eo emōkajtata. Kōm ban kōllāiki ri-kakaajiriri eo am me ej jerbal ilo mweo imōm/ nukūm mae iien eo emōj ameañ loi aolep melele ko kōn background eo an ri-kakaajiriri eo.
- Jab dror ajiri ro nejūm ñan jikin kakaajiriri kin wun ko jet ijellokin wun ko rej elaafrak imaan in form in, ijelokkin ñe emōj am kar kōmman karōk iben ri-kōkkajiriri eo am bwe kwonaj make kōllaiki ien kōkkajiriri in. Elaññe kwōkōnan bōk konam ilo juon makūtküt ijellokin ko emōj koweppeni imaan in form in, im kwōkōnan bwe state eo en kōllā wonen kakaajiriri in, kwōj aikuj mokta kebaak rijerbal in kaweappān kakaajiriri eo am.

Imejele bwe:

- | | |
|---|--|
| <ul style="list-style-type: none">Enaaj emman aer kōmman ñan eō jekdoon ta jowi eo aō, color eo aō, tōmak ko aō kōn kien, aelōñ eo aō, kabuñ eo aō, drettaō, ña emmaan ke kōrā, utamwe eo aō ak ijo iaar lotak ie.Naaj bebe kōn aō maroñ bōk konaō ilo WCCC iloan jiliñoul raan jen raan eo iar apply ie.Naaj kōjjelāik eō, ilo jeje, kōn maroñ im eddo ko aō ekkar ñan kien ikijien jibañ ko jen WCCC.Naaj lejok mejele ko kake eō ñan agency ko jet ñe ej men in aikuj ekkar ñan kakien ko an federal ak state.Enaaj itok aō kōjjelā ilo jeje joñoul raan iiet tata mokta jen an state kōmman oktak ñan kadikjok ak kabwijrak jibañ ko ijjełokwin wāween ko rej wałok ilo WAC 170-290-0120.Imaroñ kajjitōk juon iien roñjake elaññe ijab errā ilo jemlok eo ikijien keej eo aō ilo WCCC. | <ul style="list-style-type: none">Imaroñ kajjitōk bwe juon supervisor ak juon administrator bwe en etale jemlok eo ak emakit eo im ejelet jibañ ko aō im men in ejamin jelet jimwe ko aō ñan juõn ien roñjake.Emaroñ wōr aō jibañ ikijien juon ri-ukot kajin iloan juõn tōre eo emman im ekkar ilo im enaj ejjełok wonen.Imaroñ make kelet ri-kakaajiriri eo aō elaññe ri-kakkajiriri eo ej kōtōbrak men in aikuj ko aikuj loori ilo WAC 170-290-0125.Imaroñ kajjitōk bwe rietale eo jen fraud early detection (FRED) jen division eo an fraud investigations (DFI) bwe en bar rooltok ilo juon bar iien. Ijab aikuj kōtlok an juõn rietale dreloñ ilowaan mweo imō. Kajjitōk in ejamin jelelt aō maroñ bōk jibañ ko. Elaññe imakoko in jerbal in burukuk (lejok mejele ko kajjitōki), iben rietale eo, emaroñ jelet jibañ ko aō. |
|---|--|

MAROÑ KO AM KÔN IIEN ROÑJAKE

Elaññe kwōjab errā ilo jemlok in, kwōmaroñ kajitōk kin juõn ien roñjake ilo am kirtok opiji in ak jeje ñan Office of Administrative Hearings, P O Box 42489, Olympia, WA 98507-2489. Kwōj aikuj kajjitōk iien roñjake eo am:

- Ilo ak mokta jen raan eo jemlok in enaaj jejiti kitien ak en jab lōñ lok jen 10 raan elikin am jilikinwōj kōjjelā kōn jemlok in, ELAÑÑE kwōj bōk jibañ ko kiiō im kwōkōnan bwe ren wōnmaanłok wōt, ak
- Iloan 90 raan jen ran eo kwoj loe leta in.

Ilo iien roñjake eo, ewōr am maroñ in jutak ilo etam make, juon loār ej bed ilo etam ak jabdewōt armej eo kwoj kelete. Komaroñ bōk jibañ ko ejelok wonair kin nan in rejañ ko ikijien kakien ko im am lawyer ilo am call ak kebaake juõn iaan office ko an legal services.